

INUIT ATAQATIGIIT

INATSISARTUNI



Ull. 19. maj 2015

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.
(Inatsisartuni ilaasortaq Ane Hansen, Inuit Ataqatigiit)

Apeqqut(it):

1. Suna tungaviua Kalaallit Nunaanni Aalisarnermut Nakkutilliisoqarfiup KANUANA-p Aalisarnermut pisortaqarfimmiit akilerartarnermut pisortaqarfiup ataanut nuunneqarneranut ?
2. Naalakkersuisoqarfinni assigiingitsuni suut allat aamma Naalakkersuisoqarfinnut allanut nunneqarpat ?
3. Naalakkersuinikkut oqartussaaffiit assigiingitsut nuunneqartariaqarsimanerannut suut nalilersuutit tungavilersuutaappat ?

Tungavilersuut:

Aningaasanut inatsit 2015-mortoq suliarineqarnerani paasinarsivoq Aalisarnermut Nakkutilliisoqarfik KANUANA Aalisarnermut pisortaqarfiup ataaniikkunnarluni Akilerartarnermut pisortaqarfiup ataanut nunneqarsimasoq, tamannalu innuttaasunut Inatsiartuniluunnit ilaasortanut ilisimatitsissutigineqarnikuungimmat nuussisariaqarsimaneranut suna patsisaanersoq paaserusuppara.

Ilangullugu paaserusuppara Naalakkersuisoqarfiit allat susassaqarfiinut oqartussaaffiinullu tungasunik allanik nuussisoqarsimanersoq, nuussisoqarsimappallu suna pissutigalugu ilisimatitsisoqarsimanginnersoq ilangullugu paaserusullugu.

Apeqqutima ullut suliffiusut qulit iluanni akineqarnissaat kissaatigivara.